

БАТЛАВ
ЗАВХАН АЙМГИЙН ЗАСАГ ДАРГА
Г.ӨНӨРБАЯР

СОЁЛЫН ЗОРИУЛАЛТААР ИДЛЭГ ШОНХОР ШУВУУ БАРИУЛАХ ГЭРЭЭ

2024 оны 07 дугаар
сарын 08-ны өдөр

Дугаар 2024/02

Завхан аймаг

А талаас Завхан аймгийн Байгаль орчин, аялал жуулчлалын газрын даргын албан үүргийг түр орлон гүйцэтгэгч Д.Пүрэвдорж (цаашид "Аймаг" гэх), Б талаас Арабын Нэгдсэн Эмират Улсын дэд Ерөнхийлөгч Эрхэмсэг дээд ноён Н.Н. Sheikh Mansour Bin Zayed Al Nahyan (цаашид "Бэлэг хүлээн авагч" гэх) түүнийг төлөөлөн, итгэмжлэгдсэн төлөөлөгч Ibrahim Husini Husien (паспортын дугаар 013658191), хамтад нь ("Талууд" гэх), нар Завхан аймгийн нутаг дэвсгэрээс Идлэг шонхор шувууг соёлын зориулалтаар барих эрхийг олгох харилцааг зохицуулах, талуудын эдлэх эрх, хүлээх үүргийг тодорхойлох зорилгоор энэхүү гэрээг байгуулав.

НЭГ. НИЙТЛЭГ ҮНДЭСЛЭЛ

1.1. Энэхүү гэрээний зорилго нь соёлын зориулалтаар идлэг шонхор шувууг Завхан аймгийн нутаг дэвсгэрээс барих, түүнд хяналт тавихтай холбоотой харилцааг зохицуулахад оршино.

1.2. Монгол Улсын Ерөнхийлөгчийн Тамгын газрын 2024 оны 05 дугаар сарын 31-ний өдрийн ТГ/399 дугаартай албан бичгийн хавсралтад тусгагдсан соёлын зориулалтаар бариулах идлэг шонхорын хуваарийн дэс дугаараар тус гэрээний дугаарыг олгоно.

ХОЁР. АЙМГИЙН ХҮЛЭЭХ ЭРХ, ҮҮРЭГ

2.1. 2024 онд 10 (арав) хүртэлх тооны идлэг шонхор шувуу барих зөвшөөрлийг бэлэг хүлээн авагч талд олгож, тэдгээрийн төлөөлөгчдийг 2024 онд идлэг шонхор шувуу барихад нь туслалцаа үзүүлэх, энэ талаар холбогдох сумдын захиргаа, байгаль орчны алба, цагдаа болон бусад байгууллагуудад албан ёсоор мэдэгдэнэ.

2.2. Бэлэг хүлээн авагч талд бэлэглэж буй идлэг шонхор шувууны төлбөр, хураамжийн гүйцэтгэлд хяналт тавьж ажиллана.

2.3. Идлэг шонхор шувууг орон нутгаас бариулахдаа Байгаль орчин, аялал жуулчлалын яамнаас олгосон тусгай зөвшөөрөл бүхий мэргэжлийн байгууллагын судлаач ажилтнуудын заавар зөвлөмжийн дагуу хамтран ажиллаж хяналт тавина.

2.5. Соёлын зориулалтаар бэлэглэсэн идлэг шонхор шувууг барих, гадаад улсад гаргах үйл ажиллагааг явуулах этгээд нь Монгол Улсын хууль тогтоомжийг зөрчих, идлэг шонхор барих үйл ажиллагааны талаар зураг, бичлэгийг хэвлэл мэдээллийн хэрэгсэл, олон нийтийн цахим хуудаст байршуулах, орон нутагт ёс бус үйл ажиллагааг явуулсан тохиолдолд энэхүү гэрээ болон зөвшөөрлийг хүчингүй болгоно.

ГУРАВ. БЭЛЭГ ХҮЛЭЭН АВАГЧ ТАЛЫН ХҮЛЭЭХ ҮҮРЭГ

3.1. Монгол Улсын нутаг дэвсгэрт идлэг шонхор шувуу барих Арабын Нэгдсэн Эмират улс руу тээвэрлэх ажлыг Монгол Улсын хууль тогтоомжид нийцүүлэн, өөрийн зардлаар зохион байгуулна.

3.2. Гэрээнд заагдсан нутаг дэвсгэрээс идлэг шонхор шувууг барих бөгөөд гэрээнд заагдаагүй газраас болон олгосон зөвшөөрөлд заасан тооноос илүү идлэг шонхор шувуу барихыг хориглоно.

3.3. Монгол Улсын хууль, тогтоомж, үндэсний ёс заншлыг хүндэтгэн, орон нутгийн ЗДТГ болон иргэдийн зүгээс тавьж байгаа аливаа хууль ёсны шаардлагыг биелүүлж ажиллана.

3.4. Нэг идлэг шонхор барихдаа 3-аас илүүгүй шувуу (хөхөөр тагтаа, монгол ногтруу)-г өгөөш болгон, ашиглаж, насны хувьд тухайн жилийн залуу шувууг хүйсийн (эр/эм) харьцаа тэнцүү байхаар барина.

3.5. Тусгай хамгаалалттай газар нутгаас идлэг шонхор шувууг барихыг хориглох бөгөөд энэхүү зарчмыг үйл ажиллагаандаа хатуу мөрдөж ажиллана.

3.6. Тусгай зориулалтаар тагтаа, ногтруу зэрэг амьтдыг агнахдаа зөвшөөрсөн тоо хэмжээнээс илүү гаргаж агнахгүй, шархдуулж гэмтээхгүй ажиллана.

3.7. Нас болон хүйсийн хувьд барих ёсгүй, шаардлага хангаагүй идлэг шонхор шувуу барьсан тохиолдолд далавч болон сүүлний залуур өдийг гэмтээхгүйгээр буцаан суллаж тавина.

3.8. Байгалийн нөөц ашигласны төлбөрийг тус амьтны экологи, эдийн засгийн үнэлгээний 80 хувиар, хураамжийг Улсын тэмдэгтийн хураамжийн тухай хуулийн 21 дүгээр зүйлийн 21.1.35-д заасны дагуу 5 хувиар тооцож зохих дансанд шилжүүлнэ.

3.9. Идлэг шонхор шувуу барих отог бүрд англи хэлний орчуулагчийг заавал ажиллуулах, тухайн отог тухайн сумын нутгаас гарахын өмнө хэдэн тооны шонхор, ямар нас, хүйсийн (эр, эм) бодгалийг авч гарах гэж байгаа талаар мэдээллийг аймаг, сумын байгаль орчны газрын мэргэжилтэнд мэдэгдэж мэдээллийг бүрэн өгнө.

3.10. Судалгааны зориулалтаар бөгжилсөн, бичил дамжуулагч суулгасан, радио телеметрийн долгион дамжуулагч тавьсан идлэг шонхор шувуу барихгүй байх, өвчилсөн, гэмтсэн шувууд болон өөр зүйлийн махчин шувууд урхинд орсон баригдсан тохиолдолд буцаан тавьж холбогдох мэдээллийг Байгаль орчин, аялал жуулчлалын газарт өгч ажиллана.

ДӨРӨВ. ГЭРЭЭНИЙ ХУГАЦАА

4.1. Гэрээнд талууд гарын үсэг зурж, тамга дарснаар гэрээ хүчинтэй болно.

4.2. Энэхүү гэрээ нь 2024 оны 07 дугаар сарын 08-ны өдрөөс 2024 оны 11 дүгээр сарын 15-ны өдрийг дуустал хүчинтэй байна.

ТАВ. БУСАД ЗҮЙЛ

5.1. Идлэг шонхор барих үйл ажиллагаанд ажиллах тээврийн хэрэгслийн марж, дугаар, эзэмшигчийн мэдээллийг гэрээний хавсралтаар батлах бөгөөд тусгайлсан наалт тэмдгийг тээврийн хэрэгсэл тус бүрийн урд талын хаалганд харагдахуйц байдлаар нааж байрлуулна.

5.2. Энэхүү гэрээний 6.1-т заасан наалт, тэмдэггүй тээврийн хэрэгслийг идлэг шонхор шувуу барих үйл ажиллагаанд ашиглахгүй, аль болох тогтсон маршрутаар явах бөгөөд олон тооны машин тэргээр сүлжилдэн явж бэлчээр болон газрын хөрс талхлахаас сэргийлэх.

5.3. Барьсан идлэг шонхор шувууны хөлд тухайн аймгийн Байгаль орчин, аялал жуулчлалын газраас олгосон зүүлтийг зүүж, арчлан тээвэрлэж, гадаад улсад гаргах үйл ажиллагааг явуулна. Зүүлтгүй идлэг шонхор шувууг хууль бусаар агнаж, барьсанд тооцно.

- 5.4. Орон нутгийн ЗДТГ, болон иргэдийн зүгээс тавьж байгаа аливаа хууль ёсны шаардлагыг биелүүлэх, хяналт шалгалт хийх нөхцөлийг бүрдүүлэх
- 5.5. Гэрээтэй холбогдон гарч болзошгүй санал зөрөлдөөн, маргааныг талууд харилцан зөвшилцөх замаар шийдвэрлэнэ.
- 5.6. Санал зөрөлдөөн, маргалдааныг зөвшилцлөөр шийдвэрлэж чадахгүй тохиолдолд Монгол Улсын шүүхээр шийдвэрлүүлнэ.
- 5.7. Талууд энэхүү гэрээгээр хүлээсэн эрх, үүргээ гуравдагч этгээдэд шилжүүлж үл болно.
- 5.8. Гэрээг 3 хувь үйлдэх бөгөөд талууд тус бүр 1 хувийг хадгална.

МОНГОЛЫН ТАЛЫГ ТӨЛӨӨЛЖ:

ЗАВХАН АЙМГИЙН БАЙГАЛЬ ОРЧИН,
АЯЛАЛ ЖУУЛЧЛАЛЫН ГАЗРЫН ДАРГЫН
АЛБАН ҮҮРГИЙГ ТҮР ОРЛОН
ГҮЙЦЭТГЭГЧ Д. ПҮРЭВДОРЖ
(ГАРЫН ҮСЭГ)

9039457 2922010015 0740770

СОЁЛЫН ЗОРИУЛАЛТААР
ИДЛЭГ ШОНХОР ШУВУУ БАРИХ
ЗӨВШӨӨРӨЛ ХҮЛЭЭН АВАГЧ ТАЛЫГ
ТӨЛӨӨЛЖ:

АРАБЫН НЭГДСЭН ЭМИРАТ УЛСЫН
ДЭД ЕРӨНХИЙЛӨГЧ ЭРХЭМСЭГ ДЭЭД
НОЁН Н.Н SHEIKH MANSOUR
BIN ZAYED AL HANYAN -НИЙ БИЕ
ТӨЛӨӨЛӨГЧ
IBRAHIM HUSINI HUSIEN

(ГАРЫН ҮСЭГ)



2024/02 тоот гэрээний 1 хавсралт

ИДЛЭГ ШОНХОР БАРИХ ҮЙЛ АЖИЛЛАГААНД
ОРОЛЦОХ ИРГЭДИЙН ЖАГСААЛТ

| № | ОВОГ НЭР | ИРГЭНШИЛ | ПАСПОРТЫН ДУГААР |
|----|--------------------|----------|---------------------|
| 1 | ИВРАНЦМ HUSINI | SYR | N013658191 |
| 2 | СЛЕМХАН КОСМАНАТ | MGL | ЧК63101974 |
| 3 | ХАСЫМХАН ХАЙВАР | MGL | ПЛ68121817 |
| 4 | ИВРАЙ БАУРЖАН | MGL | УУ63071319 |
| 5 | ЧУЛУУНДОРЖ АНХБАЯР | MGL | ВБ87022414 |
| 6 | БЯМБА МАНДАХ | MGL | ТИ64050577 |
| 7 | ШАРАА МӨНХ-ЭРДЭНЭ | MGL | СЙ85122016 |
| 8 | КЕРЕЙ ТОХТАМУРАТ | MGL | ПЛ77011413 |
| 9 | ЗОРИГ БАЯРСАЙХАН | MGL | ЧГ67062570 |
| 10 | ЕРДАЙ КҮЛМЕСХАН | MGL | ПЛ84121016 |

2024/02 тоот сэрээний 2 хавсралт

ИДЭГ ШОНХОР БАРИХ ҮЙЛ АЖИЛЛАГААНД АШИГЛАГДАХ
ТЭВЭРИЙН ХЭРЭГСЛИЙН ЖАЛГААЛТ

| № | МАШИНЫ ДУГААР | МАРК |
|----|---------------|--------------|
| 1 | 88-06 УЕХ | LEXUS |
| 2 | 60-04 УНБ | LAND CRUISER |
| 3 | 79-73 УБС | LAND CRUISER |
| 4 | 04-11 УБГ | LAND CRUISER |
| 5 | 14-79 УБН | LAND CRUISER |
| 6 | 95-91 УБГ | LAND CRUISER |
| 7 | 04-50 ДАР | LAND CRUISER |
| 8 | 02-61 УАХ | PATROL |
| 9 | 29-49 УАС | LAND CRUISER |
| 10 | 72-70 УНВ | LAND CRUISER |
| 11 | 43-43 УНБ | LAND CRUISER |

